

جریده علمیہ

مشیتِ جلیلہ، اسلامیک نئس جریدہ، رسمیه سیدر

جمادی الاولیٰ ۱۳۳۵

عدو: ۳۹

آیدہ بر نشر اولنور

اوپنخی سنہ

اون الشهي ماده — اشبو قانونك اجراى احكامنه شيخ الاسلام وماليه ناظرى مأمورد
مجلس اعيان ومبعوثانجه قبول اولنان اشبو لايحه نك قانونيتى وقوانين دولته علاوه سنى
اراده ايلدم ۱۰ جمادى الاخره سنه ۱۳۳۵ و ۲ نيسان سنه ۱۳۳۳

محمد رشيد

صدراعظم
محمد طلعت

شيخ الاسلام
موسى كاظم

ماليه ناظرى
جاويد

قواخانه على مقررات قضيه سى

قره جه بك قضاسى محكمه شرعيه سندن اعطا اولنان ۳ محرم ۳۳۵ تاريخلى اعلام
بروجه آتى منقوضدر .

اعلام مذ كورده مدعى عليهما وكيلان من بورانك وكاتلرى خصوص مذ كور حقنده
اولديغنه تعرض اولنما مقبله برابر تاريخ عقده نظراً حادثه ده مدعا به مهر معجل مذ كور حقنده
مرور زمان بولندينى منقهم اولدينى حالده بروجه محرر تحت حكمه آلتسنگ وجهى
غير ظاهر وشكل يمين دخی ناقص بولنمش اولمقله سبكى نقصان وخللدن خلى دكلدر .

★ ★

حاصبيا قضاسى محكمه شرعيه سندن ويريلان ۱۰ م ۳۳۵ تاريخلى اعلام بروجه آتى منقوضدر

اعلام مذ كورده مشفوع مذ كور بايع مرقوم سليمك يدنده بولندينى بروجه محرر
نابت اولدينى حالده حضور نسز دعوى وشهادت مذ كوره لرك استماعى خلاف اصول اولمقله
برابر حادثه ده مشفوع ومشفوع به مذ كور لرك ملكيتلرينك ومدعى مرقومك شرائط
شفعه به بتمامها مراعات ايلديكنك مدار تحقيقى غير منقهم اولديغندن شايد قبول دكلدر .

★ ★

زعفرانبولی قضایى محكمه شرعيه سندن اعطا اولنان ۲۴ محرم ۳۳۵ تاريخلى اعلام
بروجه آتی منقوضدر

اعلام مذکورده مدعاهاى مذکورہ نك طرف دعوى وجوابده كى حدودلری يكديكرینه
غير موافق اولديغى كى مدعى مرقوم اراضى مذکورہ نك ملك اشجار مشمره وغير
مشمره لى بغيچه وملك كرومى محتوى باغ اولديغى ومدعى عليه وكيل مرقوم دخى
مدعاها نك صرف اراضى اميريه دن اوله رق متوفى اول مرقوم دن زوجه سنه عادى انتقال
ایتمش بولنديغى افاده و بيان ایتملرینه نظر آ اول امرده منازع فیسا عقارات مبحوئه نك
محلنده كشف ومعاينه سنك اجراسيله مدعاها تعیین ومتوفى اول مرقوم دن حین وفاتنده
ملك اشجار وكرومى محتوى ویا ارض سلیخ بولنديغى تبیین وطرفین اولبالده استیضاح
ایدیله رك بالحا كه تبیین ایدیه ك حاله كوره برهيج شرع عالى فصل وحسمى ایجاب ایدر
ایكن بو جهتلر نظر دفته آلمفسزین بروجہ محرر توقیع قنسان منع معارضه حكمنده
صحت واستقامت غیر منفهم بولنش اولغله سبكى مختلدر .

* *

ادرنه ولايتى مركز محكمه شرعيه سندن ویریلان ۲۹ م ۳۳۵ تاريخلى اعلام بروجہ آتی
منقوضدر.

ججت مذکورده اخ غائب اوزرینه عن الغياب تقدير نفقه يه مساغ شرعى بولنديغى
جهتله تقدير مبحوث غير صحيح اولديغندن شایان قبول دكلدر.

*

سعد سنجاغى محكمه شرعيه سندن اعطا اولنان سلخ محرم ۳۳۵ تاريخلى
اعلام بروجہ آتی منقوضدر.

اعلام مذکورده محكى و اوراق میسانده ملفوف دفتر قسامده مذکور اشیا ايله
اعلامده مندرج اشیا نك برقسمنك مقدارنده مباينت بولنغله برابر سندات مذکورہ نك
محتوى اولديغى مبالغ مذکورہ نك قبل التحصيل وجه محرر اوزره سنداً مقاسمه سى غير
صحيح واشياء مدعاها نك عیناً موجودیتى حقنده مدار مفقود بولنش اولديغندن سبكى مختلدر.

* *

مدانیه قضاسی محکمه شرعیه سندن ۹ صفر ۳۳۵ تاریخلی صادر اولان اعلام بروجہ آتی
منقوضدر

اعلام مذکورده مدعی موکل مومی الیهک خصوصتک رأی اولندیقنه تعرض ایدلمدیکی
کبی مدعی علیه مزبورک ضبطده مندرج افاده سنه نظراً متولی سابق مزبور جمال بکک
جلیلہ مجله نک ۱۵۸۹ ماده سنه توفیقاً مدعی علیه مزبورک اقرارنده کاذب اولمیدیقنه دائر
بالطلب متولی عاقد مزبورک تخلفی ایجاب ایدر ایکن حادثهده بمجله نک ۱۶۱۰ ماده سنه
تطبیق معامله ایدلمش اولسنک وجهی غیر ظاهر ونما حقنده مدعی وکیل مزبورک بروجہ
محرر معارضه سنک منعی غیر موجه واجرت وکالتک مصارف محاکمه میانہ ادخالی خلاف
اصول بولنش اولقله سبکی نقصان وخللدن غیر خالیدر.

★
★ ★

قندیره قضاسی محکمه شرعیه سندن اعطا اولنان ۱۴ ص ۳۳۵ تاریخلی اعلام بروجہ آتی
منقوضدر

اعلام مذکورده مدعی علیهما مزبورہ نک مدعاہہ دکانه وضع یدینک بالینہ ثبوتنہ
تعرض اولنما مقبلہ برابر حادثهده مزبورہ نک اولبابده کی افاده سی صغار مزبورون حق لرنده
شرعاً غیر معتبر بولندیقی نظر دقتہ آلهرق حادثهده صغاره بروصی نصیلہ کیفیتک بر
نهیچ شرع عالی فصل وحسمی مقتضی ایکن منوال محرر اوزره توقیع قلنان حکمک مداری
مفقود بولنش اولقله سبکی مختلدر.

★
★ ★

دیاربکر ولایتی مرکز محکمه شرعیه سندن اعطا اولنان ۱۳ ص ۳۳۵ تاریخلی اعلام
بروجہ آتی منقوضدر.

اعلام مذکورده کوپہہ نظراً مدعی علیہ مرقومک بینہ سی راجحہ اولقله انک حقنده
بروجہ محرر طلب اولنان بینہ واجرا قلنان تحلیف معکوس اولدینی کبی حادثهده عدم
علمہ تحلیف غیر کافی و فقرہ حکمیہ مشوش اولدیقندن سبکی نقصان وخللدن خالی دکلدرد.

★
★ ★

عشاق قضای محکمه شرعیه سندن ویریلان ۲ را ۳۳۵ تاریخلی اعلام بروجہ آتی منقوضدر
مہری مطابق ایسہدہ مبلغ مذکور مبیع مقبوض ثمنی اولدیغنک بیانہ تعرض اولنماغله برابر
حادثہدہ شاهدان مزبورانک اتفاق ایلمک لری بیک یدیوز غروشدن فضلہ سی حقندہ
شہادتلرینک قبولنک مستند شرعیسی غیر ظاہر اولدیغندن سبکی مختل ایدوکی.

*
* *

قسام عمومی محکمه سندن ویریلان ۶ ر ۳۳۵ تاریخلی اعلام بروجہ آتی منقوضدر
اعلام مذکورده متوفاة مزبورہ نک امریلہ اتفاق وا کسانہ مدعی مزبورک مصروفاتی
حقندہ کی دعوی مذکورہ نک استماع اولنما سنک وجهی غیر ظاہر اولدینی کبی قرضہ
متداثر اولان شہادت مذکورہ دعویہ غیر مطابق ومبالغ مدعاہانک مصارف محاکمہ
ایلہ معاً تحت حکمہ آئینسی مغایر اصول بولنمش اولدیغندن سبکی مختلدر.

*
* *

بالیکسر سنجاعی محکمه شرعیه سندن ویریلان ۱۵ را ۳۳۵ تاریخلی اعلام بروجہ آتی منقوضدر
اعلام مذکورده مدعی علیہ وکیل مزبور غائب مرقومک وجہ محرر اوزرہ ایداعنی
بالینۃ المعدلۃ موقع ثبوتہ ایصال ایلدیکی تقدیرده حادثہدہ خصومت منقطع اولدیغنک
مدعی مرقومہ تفہیمی ایجاب ایدر ایکن مدافعہ مسرودہ مذکورہ نک ردی اصولندہ
اولمادیغندن سبکی مختلدر.

*
* *

ازمیت سنجاعی محکمه شرعیه سندن ویریلان ۲ ر ۳۳۵ تاریخلی اعلام بروجہ آتی منقوضدر
اعلام مذکورده مدعیہ مزبورہ نک خصومتی رأی اولدیغنه تعرض ایلدیکی کبی
امر نکاحدہ ام شرعاً ولی بولندینی نظر دقتہ آلهرق حادثہدہ مدعیہ مزبورہ دن درجہ دم
مقدم صغیرہ مزبورہ نک بلدہدہ حاضر ولی اقربی بولنوب بولنمادیغنک استیضاحی واولبابدہ
ترافع شرعی اجرا سیلہ حادثہ نک بر نہیج شرع عالی فصلی ایجاب ایدر ایکن بر منوال محرر
فسخ نکاحہ تصدی ایلدنک وجهی غیر ظاہر اولدیغندن سبکی مختلدر.

*
* *

قسام محکمه شرعیه سندن ویرنلان ۳ ر ۳۳۵ تاریخی اعلام بروجہ آی منقوضدر
مهری مطابق ایسده موکلہ وصیہ مزبورہ طرفدن صغیرتان مزبورتان ایچون
صرف ایدلدیکی درمیان ومفرداتی تحریروبیان اولنان مصروفات قسماً صرفیات زائده دن
عبارت اولدینی وبناء علیہ صغیرہ لک حوایج ضروریہ لری میانه ادخالنه مساع شرعی
بولندینی حالده مصروفات مدعاہانک مصارف مبرمہ دن عد ایدلسنک وبروجہ محررادا
ایدیلان شہادتک قبول اولنسنک وجهلری غیر ظاہر بولنش اولدیقندن شایان قبول
اولماغین بوصورقده قاضی عسکرلک محکمه سده تودیع اولتمق اوزره قسام عمومیلکده اعاده
اولمشدر.

* *

خلیل الرحمن قضای محکمه شرعیه سندن اعطا اولنان ۷ ربیع الاخر ۳۳۵ تاریخی
اعلام بروجہ آی مقیداً مصدقدر.

اعلام مذکورک نتیجہ مالی بروجہ محرر نفقه تقدیر اولندینی بیاندن عبارت اولوب
آنحق تاریخ عقدہ نظراً مدعاہہ مهر معجل حقندہ مرور زمان متحقق و قرض مذکور
ایله ذمتده بولندینی حکایہ اولنان الماس وسائر حقندہ مرور زمان بولنوب بولندینی غیر
مبین اولغله برابر اشیای متباقیہ دائر وجہ محرراوزره تردید ایله توقیع قلنان حکم غیر صحیح
بولندینغه ولایحه مندرجاتنه نظراً مجلس تدقیقات شرعیہ تودیع قلندی.

مجلس تدقیقات شرعیہ مقرراتی

ترکہ علیهنه صادر اعلامک وارث غائبہ تبیلنی وعلی الاصول اکتساب قطعیتدن صوکره
تفیدی حقندہ [۱]

خصوص مبجوث عنده وارث غائبک بولندینی بلده قاضیسی واساطیلہ صورت

[۱] بوبایدہ قونیہ قاضیلکنک محقراتی صورتی:

مدت سفر بعید محلده ورث غائبہ سی اولدینی حالده وفات ایدن بر متوفانک ترکہ سی علیهنه اقامه
اولنان دعواده ترکہ به وضع یدایدن وقبل شرعدن خصومتی رأی اولنان ایتام مدیری مواجهه سنده
جریان ایدن محاکمه نتیجہ سنده بر نهج شرعی اثبات مدعی ایدیلرک اول وجهله ترکہ علیهنه صادر
اولان اعلامات شرعیہ رأساً تابع تمیز دکلسده محل اقامتی معلوم اولان وارث غائبہ صورت اعلامک
تبیلنی لزومنه دائر اصول محاکمات شرعیہ قانوننده بر کونا قید وصراحتہ تصادف اولنه مدیقندن
دیگر ورثه حاضرہ نک ویاخود وارث غائبدن بشقه ورثه بولندینی تقدیرده خصومتی رأی اولنان
ایتام مدیرینک مدت قانونیه سی طرفنده اولبایدہ کی اعلامی تمیز ایتمک لری صورتده اعلام مذکور